

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-

Broj: 07-1794/18

Datum, 21. 05. 2018. godine

Na osnovu člana 69. stav (2), tačka e), Zakona o javnim nabavkama Bosne i Hercegovine («Službeni glasnik BiH», broj: 39/14) i čl. 38. i 118. Statuta općine Srebrenik („Službeni glasnik općine Srebrenik“, broj: 1/08), Općinski načelnik, općine Srebrenik, d o n o s i:

O D L U K U
O PONIŠTENJU POSTUPKA

Ovom odlukom poništava se postupak javne nabavke: **Izvođenje radova na rušenju starih objekata kampa u Špionici u dvije faze**, objavljenu na Portalu javnih nabavki, obavještenje o nabavci br. 761-7-3-45-3-33/18 od 09. 05. 2018. godine

OBRAZLOŽENJE

Na osnovu Konkurentskog zahtjeva broj: 07-1794/18 od 09.05.2018. godine, objavljenom na Portalu javnih nabavki, obavještenje o nabavci br. 761-7-3-45-3-33/18 od 09. 05. 2018. godine, proveden je postupak prikupljanja ponuda za javnu nabavku *Izvođenje radova na rušenju starih objekata kampa u Špionici u dvije faze*.

Ponude po Konkurentskom zahtjevu za predmetnu nabavku su dostavili sljedeći ponuđači:

1. “INTERTRANS-KOMERC MUSIĆ” DOO Srebrenik, u ukupnom iznosu od **36.000,00 KM** bez PDV-a, i
2. NESO DOO Srebrenik, u ukupnom iznosu od **24.000,00 KM** bez PDV-a

Komisija je utvrdila iz izvještaja o preuzimanju tenderske dokumentacije od strane ponuđača, da ponuđač NESO DOO Srebrenik nije lično preuzeo tendersku dokumentaciju sa Portala, te u skladu s tim ne može biti učesnik u datom postupku javne nabavke.

Naime, član 55. Zakona u stavu (1) definiše moguće načine preuzimanja tenderske dokumentacije, i to:

- a) lično preuzimanje u prostorijama ugovornog organa;
- b) na pismeni zahtjev kandidata/ponuđača;
- c) zajedno s pozivom za dostavu ponuda;
- d) objavljivanjem tenderske dokumentacije na portalu javnih nabavki na što će ukazati u obavještenju o nabavci, u skladu s podzakonskim aktom koji donosi Agencija.

U skladu sa tačkom d) navedene odredbe Zakona, Uputstvo o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15), između ostalog, reguliše i pitanje objave i preuzimanja tenderske dokumentacije, te u vezi s tim, i pojašnjenje tenderske dokumentacije.

Član 9. stav (4) navedenog uputstva izričito navodi da ako ugovorni organ objavi tendersku dokumentaciju u sistemu „E-nabavke“, tenderska dokumentacija se ne može dostavljati na druge načine predviđene članom 55. stav (1) tač. a)-c) Zakona.

Također, član 10. stav (1) Uputstva omogućava preuzimanje tenderske dokumentacije isključivo nakon završenog postupka registracije.

U skladu sa gore navedenim, Komisija je predložila Ugovornom organu da se ponuda ponuđača NESO DOO Srebrenik odbaci kao neprihvatljiva, a što je i prihvaćeno.

Komisija je pristupila analizi dostavljene ponude ponuđača ITK Musić DOO Srebrenik u cilju utvrđivanja da li je ponuda potpuna, i da li ponuđač ispunjava kvalifikacione uslove kako je navedeno u predmetnom Konkurentskom zahtjevu.

Pregledanjem ponude ponuđača "INTERTRANS-KOMERC MUSIĆ" DOO Srebrenik, Komisija je konstatovala da je ista potpuna tj, da su dostavljeni svi dokazi za kvalifikaciju i isti zadovoljavaju zahtijevane uslove.

Pregledanjem finansijskog dijela ponude ponuđača, Komisija je konstatovala da ista nije prihvatljiva iz razloga što je ponuđač ponudio cijenu koja je znatno veća od planiranih sredstava u budžetu ugovornog organa.

Procijenjena ukupna vrijednost javne nabavke iznosi 25.641,03 KM bez PDV-a, a ponuđač "INTERTRANS-KOMERC MUSIĆ" DOO Srebrenik je dostavio ponudu u ukupnom iznosu od 36.000,00 KM bez PDV-a, što je za 10.358,97 KM bez PDV-a više od procijenjene vrijednosti javne nabavke.

Kako je ponuda ponuđača veća od osiguranih sredstava za predmetnu nabavku, komisija je predložila ugovornom organu da se postupak javne nabavke: **Izvođenje radova na rušenju starih objekata kampa u Špionici u dvije faze** u skladu sa članom 69. stav (2) tačka e) Zakona o javnim nabavkama poništi, a što je i prihvaćeno.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema odluke o poništenju.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,

2. Evidenciji,

3. Arhivi.

